

Члан 3.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Broj 01-02/2-17/07
12. januara 2007. godine
Sarajevo

Direktor
Alija Tihjić, s. p.

Na osnovu čl. 112. i 121. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03 i 22/06.), direktor Federalne uprave civilne zaštite donosi

PRAVILNIK

**O IZMJENAMA I DOPUNAMA PRAVILNIKA O
NAČINU RADA I FUNKCIONIRANJA ŠTABOVA I
POVJERENIKA CIVILNE ZAŠTITE**

Члан 1.

U Pravilniku o načinu rada i funkcioniranja štabova i povjerenika civilne zaštite ("Službene novine Federacije BiH", broj 77/06), u članu 31. iza stava 2. dodaje se novi stav 3. koji glasi:

"Izuzetno od odredbe stava 2. ovog člana, nadležni organ vlasti može donijeti odluku o proglašenju stanja prirodne ili druge nesreće na prijedlog načelnika štaba, kada štab nije u mogućnosti da se hitno sastane, a radi se o prirodnoj ili drugoj nesreći koja je iznenada nastala i izazvala velike posljedice po ljude i materijalna dobra, kao što je zemljotres i slično, s tim što je načelnik štaba civilne zaštite dužan na prvoj narednoj sjednici upoznati štab o predloženoj odluci.

Члан 2.

U članu 62. stav 2. mijenja se i glasi:

"Za vrijeme učešća povjerenika civilne zaštite u akcijama zaštite i spašavanja i funkcioniranja štabova CZ u fazi spašavanja iz člana 49. tačka 2. ovog Pravilnika, naknada povjerenicima i članovima štaba se određuje prema odredbama čl. 60. i 61. ovog Pravilnika, s tim što se ta naknada određuje u visini od 30 % od prosječne neto plaće u Federaciji, prema posljednjem saopćenju Federalnog zavoda za statistiku, a za fazu otklanjanja posljedica iz člana 49. tačka 3. ovog Pravilnika ta naknada pripada u iznosu koji je utvrđen u članu 60. stav 6. ovog Pravilnika".

Iza stava 2. dodaje se novi stav 3. koji glasi:

"Naknada iz stava 2. ovog člana obračunava se i isplaćuje za vrijeme provedeno u akcijama zaštite i spašavanja od vremena angažiranja do otpuštanja sa vršenja tih aktivnosti od strane nadležnog organa civilne zaštite".

Члан 3.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Broj 01-02/2-17/07
12. januara 2007. godine
Sarajevo

Direktor
Alija Tihjić, s. r.

**FEDERALNI ZAVOD ZA
PROGRAMIRANJE RAZVOJA**

Na osnovu Odluke o načinu obrazovanja i visini naknade za rad stručnih komisija i drugih radnih tijela osnovanih od strane Vlade Federacije BiH i rukovoditelja federalnih organa državne službe ("Službene novine Federacije BiH", broj 39/04 i 41/05), direktor Federalnog zavoda za programiranje razvoja donosi

RJEŠENJE

**O OBRAZOVANJU STRUČNE KOMISIJE ZA IZRADU
IZVJEŠTAJA O RADU VLADE FBiH ZA PERIOD
2002-2006. GODINE**

I.

Obrazuje se Komisija u sastavu:

1. ŠEFIKA HAFIZOVIĆ - predsjednica Komisije, savjetnica u kabinetu premijera
2. FRANJO TOLIĆ - član, pomoćnik sekretara Vlade FBiH
3. ZINETA RASAVAC - članica, zaposlena u Federalnom zavodu za programiranje razvoja
4. AMIRA ZELIĆ - članica, stručna savjetnica u Stručnoj službi Vlade FBiH
5. BORIS KATALINIĆ, stručno lice, i
6. ENES ORMAN, tehničko lice

II.

Vlada Federacije BiH, na svojoj 178. sjednici, održanoj 14.11.2006. godine zadužila je Federalni zavod za programiranje razvoja da sačini Izvještaj o radu Vlade FBiH za prethodni mandatni period.

Zadatak Komisije je da sačini Izvještaj koji će se temeljiti na objedinjenim izvještajima o radu i programima rada Vlade za prethodne četiri godine, a koja u konačnoj verziji treba da sadrži ključne efekte i rezultate rada Vlade, sa komparacijom o rezultatima ostvarenim za mandata prethodne vlade.

Poseban akcenat u Izvještaju treba da bude na aktivnostima Vlade FBiH koje su rezultirale donošenjem zakona i drugih akata od strane Parlamenta Federacije Bosne i Hercegovine.

Izvještaj treba da sadrži i prijedlog aktivnosti Vlade u narednom mandatnom periodu, procjene makroekonomskih indikatora za 2007. godinu, kao i tabelarne i grafičke prikaze ekonomskih kretanja u Federaciji BiH.

O izvršenom zadatku Stručna komisija će podnijeti izvještaj direktoru Federalnog zavoda za programiranje razvoja.

Rok za izvršenje zadatka je 60 dana.

III.

Visina naknade za svakog člana ponaosob utvrdit će se posebnim rješenjima u skladu sa Odlukom o načinu obrazovanja i visini naknade za rad stručnih komisija i drugih radnih tijela osnovanih od strane Vlade Federacije BiH i rukovoditelja federalnih organa državne službe ("Službene novine Federacije BiH", broj 39/04 i 41/05).

IV.

Ovo Rješenje o obrazovanju komisije bit će objavljeno u "Službenim novinama Federacije BiH".

Broj 01-34-7-2/07
17. januara/siječnja 2007. godine
Sarajevo

Direktor
prof. dr. Nešet Muminagić, s. r.

**FEDERALNA DIREKCIJA ZA CIVILNO
ZRAKOPLOVSTVO/AVIJACIJU**

Na osnovu člana 26. stav 2. Pravilnika o javnim nabavkama br. 10-1-02-1-288-1/05 od 11. 05. 2005. godine i Rješenja federalnog ministra prometa i komunikacija br. 01-27-427/03 od 12. maja 2003. godine, direktor Federalne direkcije za civilnu avijaciju - Federalne direkcije za civilno zrakoplovstvo donosi

RJEŠENJE

O IMENOVANJU KOMISIJE ZA JAVNE NABAVKE

Члан 1.

Imenuje se Komisija za provođenje otvorenog postupka nabavke kancelarijskog materijala za 2007. godinu za potrebe Federalne direkcije za civilnu avijaciju - Federalne direkcije za civilno zrakoplovstvo, u sljedećem sastavu: